

«Узавтосаноат» акциядорлик жамиятининг ички назорати тўғрисидаги НИЗОМИ¹

I. Умумий қоидалар

1.1. Мазкур «Узавтосаноат» акциядорлик жамиятининг ички назорат тўғрисидаги Низом (матн бўйича – Низом) Ўзбекистон Республикасининг амалдаги қонунчилиги, Жамиятнинг устави, акциядорлик жамиятлари фаолиятининг самарадорлигини ошириш ва корпоратив бошқарув тизимини такомиллаштириш Комиссияси йиғилишининг баённомаси билан (11.02.2016й. № 02-02/1-187) тасдиқланган Корпоратив бошқарув кодексининг тавсиялари ва Жамиятнинг ички ҳужжатларига мувофиқ ишлаб чиқилган.

1.2. Мазкур Низом ички назорат тизимининг мақсадлари ва вазифаларини, унинг фаолият тамойилларини, шунингдек ички назоратга масъул АК «Узавтосаноат» (матн бўйича – Компания) нинг шахсларини белгилайди.

II. Ички назорат тизимининг таърифи ва мақсадлари

2.1. Ички назорат — Компания фаолияти самарадорлигини оширишга йўналтирилган узлуксиз жараёндир.

2.2. Ички назорат тизими — бу ички ҳужжатларда белгиланган, Компанияда тафтиш комиссияси, ички аудит хизмати, Кузатув кенгаши, Бошқарув ва барча даражалардаги ходимлар (матн бўйича — ички назорат субъектлари) томонидан барча вазифалари бўйича ташкил этилган ва амалга оширилган ташкилий тузилма, назорат чоралари, ички назорат тадбирлари ва усулларининг мажмуидир.

2.3. Ички назорат тадбирлари — бу Компания тафтиш комиссияси, Кузатув кенгаши, Бошқаруви, шунингдек ички назоратни амалга ошириш ваколатига эга Компаниянинг таркибий бўлинмалари (матн бўйича — Компания таркибий бўлинмалари) томонидан амалга ошириладиган ҳамда молиявий-ҳўжалик фаолиятни юритганда қонунчилик ва Компаниянинг ички ҳужжатлари бузилишини аниқлашга, белгиланган мақсадларга Компаниянинг эришиш самарадорлигини баҳолашга, шунингдек ички назорат тадбирларини амалга ошириш жараёнида ички назорат субъектларининг ўзаро муносабатларига қаратилган чоралар мажмуидир.

2.4. Ички назоратнинг асосий мақсади барча акциядорларнинг ҳуқуқлари ва қонуний манфаатларини ҳимоя қилишни таъминлаш ҳисобланади.

2.5. Ички назорат оператив тартибда қуйидагиларни таъминлашга ундайди:
активларнинг бутлиги, Компания ресурсларидан тежамкорона ва самарали фойдаланиш;

амалдаги қонунчилик ва Компания ички ҳужжатлари талабларига риоя қилиш;

Компаниянинг ўрта ва узоқ муддатли ривожланиш стратегиясини, Компания бизнес-режаларини бажарилиши;

¹ Мазкур Низом рус тилида тасдиқланган. Матннинг давлат тилига таржимаси ахборот мақсадлари учун. Агарда ноаниқлик пайдо бўлса, илтимос, Низомнинг асл матнига мурожаат қилинг.

Компания бухгалтерия ҳужжатлари, молиявий ҳисоботлари ва бошқарув маълумотлари тўлиқлиги ва ишончлилиги;

Компания фаолиятида хавф-хатар пайдо бўлиш пайтида уни аниқлаш, идентификациялаш ва таҳлил қилиш;

Компания фаолиятидаги хавф-хатарларни режалаштириш ва бошқариш, шу жумладан хавф-хатарни бошқариш бўйича ўз вақтида ва мос (адекват) қарорларни қабул қилиш;

ҳақ ва компенсациялар тўловлари, шу жумладан уларнинг Бошқарув, Кузатув кенгаши ва тафтиш комиссияси аъзоларига миқдорлари мослиги, шаффофлиги ва холислиги.

III. Ички назорат тизими фаолиятининг тамойиллари

3.1. Компаниянинг ички назорат тизими қуйидаги тамойилларга асосланади:

узлуксиз фаолият кўрсатиш — ички назорат тизимининг доимий ва тўғри фаолият кўрсатиши Компанияга меъёрлардан ҳар қандай четга чиқишларни ўз вақтида аниқлаш ва уларни келгусида пайдо бўлишини олдини олиш имкониятини беради;

ички назорат тизимининг барча қатнашчилари ҳисобдорлиги — назорат функцияларининг ҳар бир шахс томонидан бажарилиш сифати ички назорат тизимининг бошқа қатнашчиси томонидан назорат қилинади;

мажбуриятлар тақсимоли — Компания назорат функцияларининг такрорланишига йўл қўймасликка интилади ва ушбу функциялар ишчилар ўртасида шундай тақсимланиши лозимки, айнан бир шахс активлар бутлигини таъминлаш ва уларни хатловдан ўтказиш, операцияларни ҳисобга олиб, муайян активлар операцияларини тасдиқлаш билан боғлиқ функцияларни бирлаштириб олиб бормаслиги;

операцияларни тўғри маъқуллаш ва тасдиқлаш — Компания барча молиявий-ҳўжалик операцияларни ваколатли шахслар томонидан уларга тегишли ваколатлари доирасида тасдиқлаш тартибини ўрнатишга интилади;

ҳар кунлик ички назоратни амалга оширувчи Компаниянинг таркибий бўлинмасининг тузулмавий ажралиб туришини таъминлаш ва унинг аудит қўмитаси орқали бевосита Кузатув кенгашига функционал ҳисоботдорлиги;

назорат функцияларини тўғри бажараётганлиги учун Компанияда ишлаётган ички назоратнинг барча субъектлари масъуллиги;

Компанияни барча таркибий бўлинмаларининг аниқ ўзаро ҳамкорлиги асосида ички назоратни амалга ошириш;

доимий ривожланиш ва такомиллашиш — янги вазифаларни ҳал қилиш, тизимнинг ўзини кенгайтириш ва такомиллаштириш заруриятини ҳисобга олган ҳолда мослашиши мумкин бўлган Компания ички назорат тизимини мослашувчан тарзда созлаш учун шароитларни таъминлашга интилади;

оғишликлар ҳақидаги хабарларни ўз вақтида етказиш — Компанияда оғишликларни бартараф қилиш бўйича қарорларни қабул қилиш ваколатига эга шахсларга тегишли маълумотларни етказиш бўйича максимал қисқа муддатлар белгиланган;

назорат ўрнатилган Компания фаолиятининг муҳим соҳаларини белгилаш — ҳатто уларнинг фаолияти самарадорлигини ўлчаш («ҳаражатлар — иқтисодий самара» нисбати) оғир бўлсада, ички назорат тизими қамраб оладиган стратегик йўналишлар ажратилади.

IV. Ички назорат тизимининг таркибий қисмлари (компонентлари)

4.1. Ички назорат тизими қуйидаги ўзаро боғлиқ компонентларни ўз ичига олади:

Компаниянинг одоб-ахлоқ қадриятлари ва ходимлари ваколати, бошқарув сиёсати, раҳбарият томонидан ваколат ва мажбуриятларни тақсимлаш усуллари, ташкилот тузилмаси ва ходимлар малакасини ошириш, шунингдек Кузатув кенгаши томонидан раҳбарлик ва бошқарувни ўз ичига олувчи назорат муҳити;

хавф-хатарни баҳолаш — муайян вазифаларга эришишда турли хил даражада ўзаро боғлиқ ва ички кетма кетликдаги тегишли хавф-хатарларни аниқлаш ва таҳлил қилишни ифодалайди;

раҳбариятнинг қарорлари бажарилаётганлигини кафолатлашга ёрдам берувчи сиёсат ва тадбирларни жамлаган ва бир қатор турли хил ҳаракатларни, булар: маъқуллашлар, санкциялар, тасдиқлашларни бериш, текшириш ўтказиш, жорий фаолиятни назорати, активлар хавфсизлиги кафолати ва ваколатларни тақсимлашни ўз ичига олган назорат қилиш бўйича фаолият;

ўз вақтида ва самарали маълумотларни аниқлашга, уларни рўйхатга олишга ва улар билан алмашишга қаратилган ахборотлар таъминоти ва маълумотлар алмашиш бўйича фаолият, шу жумладан барча ички назорат субъектларида Компанияда қабул қилинган ички назорат сиёсати ва тадбирлари ҳамда улар ижросини таъминлаш бўйича тушунчани шакллантириш мақсадида маълумотлар алмашишнинг самарали каналларини барпо этиш. Компания маълумотга рухсатсиз киришдан ҳимоялаш чораларини кўради;

мониторинг — вақт ўтиши билан тизим фаолиятининг сифати баҳоланадиган бошқарув ва назорат функцияларини ўз ичига олувчи жараёндр. Ички назорат тизимини баҳолаш молиявий ҳисоботлар ҳаққонийлигига таъсир этувчи хатоликлар пайдо бўлиш эҳтимолини аниқлаш, ушбу хатоликларни муҳимлигига ойдинлик киритиш ва белгиланган вазифалар бажарилишини таъминлашда ички назорат тизими имкониятини аниқлаш учун ўтказилади. Компанияда ички назорат тизими самарадорлигини баҳолаш учун Кузатув кенгаши таклифи асосида акциядорларнинг умумий йиғилиши қарори билан мустақил профессионал ташкилот — маслаҳатчи жалб қилиниши мумкин.

V. Ички назоратга масъул органлар ва шахслар

5.1. Ички назорат тафтиш комиссияси, Кузатув кенгаши, Бошқаруви, ички аудит хизмати шунингдек барча даражадаги Компаниянинг бошқа ходимлари томонидан амалга оширилади ва ўз навбатда ҳар бири ички назорат учун белгиланган тартибда жавобгар бўлади.

5.2. Компаниянинг молиявий-ҳўжалик фаолияти назорат қилинишини тизимли тарзда таъминлаш мақсадида ички назорат тадбирларини ўтказиш Компаниянинг ваколатли бўлинмаси — ички аудит хизмати, ушбу хизмат бўлмаган холларда эса ички назоратга масъул бўлган Компания тафтиш комиссияси

томонидан Компаниянинг бошқа органлари ва таркибий бўлинмалари билан биргаликда амалга оширилади.

5.3. Кузатув кенгашининг функцияларига қуйидагилар киради:

ривожланиш йўналишларини белгилаш ва муайян операцияларини ҳамда ички назорат тизими стратегияларини маъқуллаш;

Компания Бошқаруви, ташқи ва ички аудиторлар, тафтиш комиссиясининг мунтазам ҳисоботларидаги маълумотларга, бошқа манбалардаги маълумотларга ҳамда ички назоратнинг барча томонлари бўйича ўз кузатишларига шу жумладан молиявий, операцион, қонунчиликга риоя қилиш, ички сиёсатлар ва тадбирлар назоратига асосланган ички назорат тизими ишончлилиги ва самарадорлиги бўйича ўтказилган таҳлил ва баҳолаш натижалари тўғрисида ҳар йили Компания акциядорларининг йиллик умумий йиғилишида ахборот бериш;

ички назоратга жавобгар Компания таркибий бўлинмасининг тузилмасини ва таркибини белгилаш;

ички назорат тадбирларини мунтазам равишда такомиллаштириш.

5.4. Молиявий ҳисоботларни ҳаққонийлиги ва тўлиқлилиги устидан назоратни ташкиллаштирилишига, Компанияда ички назорат тизимини ишончлилиги ва самарадорлигига жавобгарлик Кузатув кенгашининг аудит бўйича қўмитасига юклатилади, унинг аҳамияти, мақсади, вазифалари ва ваколатлари Компания Кузатув кенгашининг аудит бўйича қўмитаси тўғрисидаги низомида акс эттирилган.

5.5. У фаолият кўрсатиши учун жавобгарлик Кузатув кенгаши томонидан тасдиқланган Компаниянинг ички назорат соҳасидаги сиёсатга мувофиқ Компаниянинг Бошқарув раисига юклатилади. Компаниянинг Бошқарув раиси ички назорат тизими тадбирларини жорий қилади ва Кузатув кенгашини Компаниянинг барча хавф-хатарлари, ички назорат тизимининг муҳим нуқсонлари ҳамда уларни бартараф этиш бўйича режалар ва чора-тадбирлар натижалари ҳақида хабардор қилган ҳолда унинг самарали фаолият кўрсатишини таъминлайди.

5.6. Турли даражадаги таркибий бўлинмаларнинг ходимлари (шу жумладан раҳбарлари) ўз ваколат доирасида назоратни амалга ошириш бўйича стратегиялар ва тадбирларни батафсил ишлаб чиқишда бевосита қатнашади. Уларнинг мажбуриятларига ғайри оддий ҳолатлар ва муаммоларни, юзага келишига қараб, уддалаш киради. Ходимлар муҳим масалалар ёки аниқ битимлар бўйича вужудга келган хавф-хатарлар ҳақида Компаниянинг юқори турувчи раҳбариятини хабардор қиладилар.

5.7. Компаниянинг молиявий-хўжалик фаолияти ва унинг алоҳида таркибий бўлинмалари устидан назоратни амалга ошириш бўйича жавобгарлик доимий фаолият юритувчи ички назорат органи — тафтиш комиссиясига юклатилади, унинг аҳамияти, мақсади, вазифалари, ваколатлари тафтиш комиссияси тўғрисидаги низомида акс эттирилган.

5.8. Ички назорат тадбирлари бажарилиши, яъни Компания (унинг таркибий бўлинмалари) амалга ошираётган молиявий-хўжалик операциялари Ўзбекистон Республикаси қонунчилигига ва Компания уставига мувофиқлиги, шунингдек бухгалтерия ва молиявий ҳисоботларининг тўлиқлиги ва ҳаққонийлиги устидан мунтазам назоратни амалга ошириш бўйича жавобгарлик ички аудит хизматига юклатилади, унинг аҳамияти, мақсади, вазифалари ва ваколатлари ички аудит хизмати тўғрисидаги низомида акс эттирилган.

5.9. Ички аудит хизмати тўғрисидаги низом Компания кузатув кенгаши томонидан тасдиқланади.

5.10. Қўйидаги шахслар Компаниянинг ички аудит хизматида лавозимларни эгаллашга ҳақли эмас:

- иқтисодий соҳада ва тартибга қарши жиноят учун судланганлик ҳолати тугалланмаган шахслар;

- Компаниянинг Бошқаруви раҳбари ёки аъзолари бўлган шахслар;

- Компаниянинг рақиби ҳисобланадиган бошқа юридик шахснинг таъсисчиси (акциядори, иштирокчиси), раҳбари ёки ижроия органи аъзоси ёхуд ходими бўлган шахслар;

Ички аудит хизмати таркибига кирувчи шахсларга бошқа талаблар Бошқарувчилар кенгашининг аудит бўйича қўмитаси томонидан белгиланиши мумкин.

VI. Ички назоратни тадбирлари ва усуллари

6.1. Компания ички назорат тадбирлари қўйидагиларни ўз ичига олади:

Компанияни турли хил бошқарув даражаларида ўзаро боғлиқ ва қарама-қарши бўлмаган мақсад ва вазифаларни аниқлаш;

Компания фаолияти мақсадларига эришишга тўсқинлик қилиши мумкин бўлган потенциал ва мавжуд оператив, молиявий, стратегик ва бошқа хавф-хатарларни аниқлаш ва таҳлил қилиш;

ички назоратнинг муҳим компонентларини баҳолаш;

бизнес-жараёнлар ички назорат тизимининг самарадорлигини баҳолаш;

Компаниянинг таркибий бўлинмалари, мансабдор шахслари ва бошқа ходимлари фаолияти мезонларини белгилаш ва самарадорлигини баҳолаш;

ўтган даврнинг таққосланадиган маълумотлари ёки кутилаётган фаолият натижалари билан молиявий ва бошқа маълумотларни солиштириш йўли билан кўриб чиқиш;

воқеалар, операциялар ва транзакциялар ҳисобини юритиш мос усуллари билан фойдаланиш;

активлар бутлигини текшириш;

ички назорат тадбирларини тегишли равишда ҳужжатлаштириш;

ички назорат тизими сифатини мунтазам баҳолаш;

Компаниянинг барча ходимларига ички назорат соҳасида уларнинг мажбуриятларини етказиш;

Компания ходимлари орасида муҳим вазифаларни тақсимлаш (шу жумладан операцияларни маъқуллаш ва тасдиқлаш, операциялар ҳисобини юритиш, ресурсларни бериш, сақлаш ва олиш, операцияларни таҳлил қилиш ва текшириш);

фақат тегишли ваколатларга эга шахслар томонидан операцияларни тасдиқлаш ва амалга ошириш;

ички назорат мақсадларига эришиш учун бошқа зарур тадбирлар.

6.2. Ички назорат тадбирларини амалга ошириш чоғида назорат қилиш, кузатиш, тасдиқлаш, қайта ҳисоблаш усуллари, шунингдек ички назорат тадбирларини амалга ошириш учун зарур бошқа усуллар қўлланилади.

VII. Якуний қоидалар

7.1. Мазкур Низом, шунингдек унга киритилаётган ўзгартиришлар ва қўшимчалар Компания Кузатув кенгашининг таклифига кўра ягона акциядор қарори билан тасдиқланади.

7.2. Агар Ўзбекистон Республикаси қонунчилиги ва меъёрий ҳужжатлари ўзгариши оқибатида ушбу Низомнинг баъзи моддалари уларга зид келса, ушбу моддалар ўз кучини йўқотади ва Низомга ўзгартиришлар киритилгунга қадар Компания Ўзбекистон Республикасининг қонунчилиги ва меъёрий ҳужжатларига амал қилади.